

Дурхъаси Рамазан баз

ДУСЛА ДУХІНАРТИ БУЗРАЗИБАД ДУРХЪАСИ РАМАЗАН БАЗ БЕГІЛАРА КЪИМАТЧЕБСИ САБИ.

Рамазан баз бусурмантас хасли мягІничебси саби. «Рамазан баз, адамти бархъси гъуйчи кабизахъес, илдас бархъдешлара балкІдешлара ургала балахъес, Аллагъли ванзаличи Къуръан бархъибси баз саби.

КъурамяхІяммад-ХІяжи Рамазанов

Идбагла ﷺ хІядисличи дурусли, Рамазан баз сабаибхІели Алжанала къапугъаргдирути сари, жагъаннабла къапу гІейкІути сари ва, бусурмантас вайта хІедиркъахъес ва бархъси гъуйчибад илди чебхІебалкІахъес багъандан, шайтІунти дилгъути сари. ЦархІил хІядислизиб бурули саби: «Эгер адамтани Рамазан базла лерилра гІяхІдешуначила балути биаллири, илдас ил даимлис бухъянбитІахъес дигахъи».

Ил базлизив пашманиубсила бунагъуначивад Аллагъ ﷻ чевурхиличи ва веГІла баркъудлумала умцанти гІяхІла шайчидяхІ декІдирниличи умут бахънази имцІабирар. Ил багъандан, Рамазан баз чесабаъниличил илис гъалар веГІлизирад кадикибти бунагъуначи пашманигъни, чевверхахъес Аллагълизи ﷻ тиладиикІни, виубцад дахъал гІяхІги баркъудлума дирни, лерилра дехІибала жамигІятличил мижитлизир дирни, беГІти-тухумти ва алавти разибаихъес къайгъилизи викни, цархІилтачивад чевкерхни, лерилра ТаравихІуни чедетаахъили дирни, уркалунти лерилра дехІибала черахъни, уркалунти лерхІедиалли, суннатла цархІилти дехІибала дирни, Къуръан, салават ва цархІилти дурхъати балгни дучІни, Исламла гІилмулизи ахъни ва Исламличила гъайдикІути мажлисуначи вашни, садакъа буртІни ва къадагъабируси сегъуна-биалра баркъудилизивад гІелумизни чараагарси саби, сенахІенну ил базлизир гІяхІси баркъудилис керира къадагъабируси барибсилис ва вайси баркъуди дураберкІибсилис бунагъунира дахънази имцІадирути сари.




Бусурмантас Аллагъли ﷻ хасси пешкеш саби Рамазан базлизиб дуббурцни ва ил багъандан илдас кери бирни.

Рамазан базла хІурматбирни
Рамазан базлизиб чули саби бусурмантази халбирути адамти, хІерила замана папрус пІагъбирули, семечка къурсдирули, се-биалра букули яра бужули камли ахІи чебиур. Рамазан базлизиб дуббурцни илкъайдали мучлаагарбирни – дакІу-гъаргли Ислам мучлаагарбирни, сунела бяркъ ва культура агнила лишанти сари. «Нузгъатуль Маджалис» жузлизивад мисал лебкехе, дуббурцтала хІурматбирнира керила баркъуди биъни чебиахъуси. Ца маджуси (цІалис лагъдешдиран) бусурмантала къатІлизив хІерирули кали сай. Гъачам илини сунела урши Рамазан базлизив къакъализив укули чеили сай. Илини урши хъули живариб ва дуббу-

цибти бусурмантала хІурмат хІебарни багъандан танбихІлавариб. ВебкІили камси замана икибхІели, ца гІяхІси гІялимли муэрлизив ил Алжанализив тахличичи кайили чеили сай. Пялимли илизи хъарбаили сай: «ХІу къалли бусурман ахІенри – секъййда Алжанализи викири?» Итилли жаваб гили сай: «Ну бекІала ухъаличи кайхъунхІели, ЧевяхІсили ﷻ набзи Аллагъ ﷻ ца вигънила къййда аргъахъиб. Ил тикрарбарили ва вирхаурли, нуша АкІахъубсилитичи ну бусурман сайливан вебкІира».

Рамазан базлизир дуббурцниличила цацадехІ хІядисуни
Рамазан базлизив дуббурцусила гъаларла бунагъуначивад Аллагъ ﷻ чевурхуси сай. Рамазан базлазиб савла дугила баайчи къабулбарибси беркай баракат имцІабирахъу. Савла дуги баайчи дукеная.

Номерлизир:



Сегъунти дирара бунагъуни



Аллагъ ﷻ ца варни – Исламла хъарихъ



Вагъабизм – ХХІ-ибил дарщдуслихъла балагъ

Закат — СиратІла гуми

Закат хІелугусили багъаб, сунечи чараагарли яра гуждан секІал билтІути, яра налог сайсути, яра полицейскийти лябкъян, яра илис «флешка» бархъиу.

Дауд Тумалаев
ДУМД-ла багъудлума тІинтІдикІахънила отделе хІянчизар.

Закат – нушала динна шел хъулчилизибад хІябъесил саби. Илала

мягІничебдешличила Аллагъли ﷻ, Исламла кІел хъулчи – дехІибала ва закат – дархдалсахъули бирхутачи дугъаилзули, Къуръайзиб бурули сай: «Чедетаахъили дехІибала дирена, закат лугеная...». Ил хъарбаркъ таманхІебарибси ва закат бедесцад давла лебсилис, сегъунти гІяхІдешуни дираллира, сецад дехІибала дираллира, сецад дуббурцаллира, чуйна хІяжлизив укъяллира, диннизивад сегъуналра гІяхІдеш хІебирар. СенкІун

бурибси саби: веГІличиб чараагарли чебси садакъа – закат – хІегибсила дехІибала къабулхІедиру Аллагъли ﷻ. ЦархІилван буралли, дехІибала Исламла гІал саби, закат – гуми. Шалал дунъяличиб ил гуми гъятІаибси Къиямала бархІи СиратІличивад ветахъикес хІейрар – илцадра мягІничебси саби ил хъарбаркъ. Закат лугусил ахІенал ташмишбикІутас аргъес гІягІнибиркур ил лугни бегІла гъалабси яргалис чус гІягІнили биъниличила. Сунечивад

закат хІегибси давла илала веГІлис иш дунъяличибра итил дунъяличибра лягІнатли ва балагъли бетарар. ЧевяхІсили илала веГІ танбихІлавиру. Чедибра буриливан, сегъунти-дигара гІяхІбаркъуни ва динна шайчирти баркъудлума илизирад кадикалра, илис диннизивад пайда камли бирар, эгер илини бегІлара черяхІтазибад цали сабси ил чебла – сунечи чараагарли хъарси садакъа(закат) хІелугули виалли.

Лавашаб Дагъиста гялимтала мажлис

2 июля 2011 года в селении Леваша Левашинского района РД состоялся очередной маджлис алимов республики, посвященный профилактике экстремизма, терроризма и морально-нравственному оздоровлению общества.

В маджлисе приняли участие представители администрации района, Духовного управления мусульман Дагестана, министерства по национальной политике, делам религий и внешним связям РД, признанные религиозные деятели, имамы, алимы, общественность Левашинского района, а также гости и представители СМИ. На мероприятие приехало около 1500 человек. Выступающие были единодушны во мнении, что экстремизм и терроризм не совместим с Исламом. Религиозные авторитеты района и республики, участники маджлиса высказали свое решительное осуждение отождествления Ислама с терроризмом.



Гялим Мяхьяммад Магъдиев кавшиб



Ишдусла июльла 9-личив Буйнакьскла района Къарамахъила мижитла имамли калунси Мяхьяммад Магъдиев кавшиб. Тянишчи ахленси адам мижитлизи ухнавахъунхелели, М.Магъдиев имам сайлин, жамагъятла дехлибайчи кайзурлири. Ухнавахъунсиле имамла гъела шайчи кайзурси ухънара ца шайчи къужварили, сай илала мерличичи кайзур ва имам ванзала суждаличи кайкибхелели Калашниковла автоматлизирад къяйкаиб. Ца ибил къяйк-беклизири, гурлиги къакълизи. Гялим дяхьи-хъаслизирад левси мерличив таманкайуб. Илис гъалабра урехи балахъутири ца баз гъалаб илала юрт хлярхубала барисире ва улкъайти дъчунтири. Кабизалачебти адамти гъубзниван улхан. Ил Пумар асхьябван алхни декларбаибси ахлену?..

Макъсуд-хияжи «Гъабзадеш» орденничил шабагъ-атварнила хлекълизиб хукму къулбасбариб.

Июльла 5-личив Кабардино-Балкарияла тах шагъарлизиб Россияла муфтийгачил Дмитрий Медведевла гъунибаъни бетерхур.

Гъунибаъниличир хердирути масъултазирад беклибиубсигъуна – экстремизм тинтбирниличичи къаршидешдарни сабри. Пачалихъла бекли бусурмантала цалабахъуни терроризмличичи къаршили чумаси дяви бузахъес жидариб.

«Бусурмантала организацияби цаибтала къяназир сари, динна умудеш багъандан хлушала дявили биалли халати гъабзадеш тлаабдирули сари», – буриб Президентли, гьегъити дусмазиб экстремистунани бусурмантала гъал гъабкъяна кабушниличила гъанбушили. «Илди сабри Исламалара экстремизмалара ургаб бархбас кабизахъес дигутас къаршидеш дарибти», – пикири бяхъичаиб пачалихъла бекли.

Жамигъятла ва динна гъавкъяна, теологияла ва халкъани ургарти бархбасунала Институтла ректор Макъсуд Садикъов кавшниличилара гъанхлебушили кахелун. Ил «Гъабзадешла» орденничил наградитьварни-

ла хлекълизибси Хукму къулбасбарниличила багъахур пачалихъла бекли. «Илала ва цархилтала кулпетуни чарагарли гьегъурцехле. Ил пачалихъла чеблализи халбирулра». - имцабариб Д.Медведевли



Тагъажжудла дехлибала

Тагъажжудла дехлибала - илди суннатла дехлибала сари, сарира дугила дехлибала дарили гьегъи дирути. Илди клел ракагъятла дирути сари. Сецад дигара дарес ихтияр лебси саби, аммаки лайкикси лугли кабизахъни гялхил чебиули саби. Масала, клел, авал, урегал, гехлел, вецну урегра ракагъятла.

Ислам Хиямзатов
islam_gamzatov@mail.ru

Эгер дугила дехлибала дарисби адам хлятта зимла манзиллисалра усаалли, ил чевсаргъили гьегъи тагъажжуд дехлибалала замана глянручла баайчи бухьянбилтуси саби. Нийят ишкъяйда бируси саби: «Нуни нийят бирулра клел ракагъятла дехлибала дарес». Нийятлизиб тагъажжудла дехлибала дарес или бурес вирусси сай, хлебусра. Эгер витрула дехлибала гъанклизивад чевсаргъили гьегъи гурличи ардухитби диалли, клел ракагъятла дехлибала дарили гьегъи асубируси саби ца заманализиб тагъажжудлара витрулара дехлибала дарес или нийят барес. Дугели дирути дехлибала Алжанала мягдан сари.

Хиядисуль Къудуслизиб бурили саби: Чевяхъси Аллагъ ﷻ дугила гьегъисси 3-ибил бутлализив бегларе гяшси заклизичи кайцуси сай (дурусси буралли, илала хъарбаркъ хлясибли малаик сай кайцуси) ва илини буруси саби: Леву Набчи ﷺ дугъаилзуси Нуни ﷻ сунес жаваб баресли! Леву Набзи ﷺ тиладииклуси, Нуни ﷻ илис секлал бедесли? Леву бунагъуначивад Ну ﷻ чевкерхъес дигуси, Ну ﷻ илдачивад чевкерхъесли? Сецад авара агарти адамтира нуша, Чевяхъси Аллагъ ﷻ нушачи илкъяйда дугъаилзухъели дусес дирути?

Хиядслизиб бурили саби: «Дугилизиб ца сягъят лебси саби бусурман адамли иш дунъяличиртира итил дунъяличиртира лигъматуназирад се тиладибараллира Аллагъли ﷻ лугуси. Илгъуна сягъят гъар дугилизиб лебси саби». (Муслим).

Къуръайзиб ва хиядисуназиб дугели дирути дехлиба пайдаличила бахъна бурили саби. Хиядслизиб бурили саби: «Дуги таманбирухъели дарибти клел ракагъятла дехлибала иш дунъяличир ва илизир лерти секлайчир гялхити сари» (Ибн Кассир).

Хиядслизиб бурили саби: «Дугели чераргъибхли клел ракагъятла дехлибала дарая. Дугила дехлибай адам бунагъуначивад умувиру, Аллагъла ﷻ гъими ва жагъаннабла цала цлак камдиру (Дайлами). Хиядслизиб бурили саби: «Дугила замана дехлибала дарес багъандан черсаргъес ва адилзес къайгъибиреная. Сенахленну хлушаб гъалаб бирути гялхитигъунти дурхъати адамтани илкъяйда бирутири. Илини хлуша Аллагъличи ﷻ гъамдирура, бунагъуначивад умудирура, гур бунагъ хлебархъес гьирдирура» (Тирмизи).

Эгер адам дай дуги чевсаргъили айзурли виалли, илини цархилти чебсаргъахънира гялхил чебиули саби, хаслира сунела хъунул, - ил Идбагла ﷺ суннат саби.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ

заместитель муфтия РД Мухаммад ДАВУДОВ

Главный редактор

Айна (Патимат) ГАМЗАТОВА

Редактор

Ислам ГАМЗАТОВ

Канонический редактор

Мухаммад ДАВУДОВ

Корректор

Нурулгъуда РАЖАБОВА

Дизайн, вёрстка

Лейла ГУСЕЙНОВА

Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС

77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 30 июля 2011 г. в 23:30

Тираж 3.700 экз.

Адрес редакции

367015, РД, г. Махачкала, ул. Азиза Алиева, 2.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: assalamweb@gmail.com; www.assalam.ru

Дурхъаси Рамазан баз

1 « Къуръайзирад ца аят херели, ца аят дугели делчалли, делчунти аятуназирти хурприцад гъяхдешуни дирар. Илгъуна гъяхдеш бируси саби дин багъандан алхунти шагъидунара. Рамазан базлизир жамигъатличил дарх дехибала дарибсилис, лебилра жамигъатли цахнар дарибти дехиба ракъагъатуни хъясибли, нурлизибад шагъар ташбалтуси саби. Эгер Рамазан базла лерилра гъяхдешуначила ва къиматчебдешли-

чила Аллагъла ۞ лугърани балуси билалри, илди ил баз дус бухъанбитлахъес балгна биркыи. Рамазан базлизир барибси ца бунагълис танбихI кIиркаси бирар, ца гъяхдеш барибсилис – керира кIиркаси бирар. Рамазан базла халаси хурмат бирес гъягъиса саби. Илала баракатли динничти бирханги разибрахъу. Ил базла гъалар-гъаларти бурхънани баракат биху, базла ургарти бурхънани бунагъуначивад Аллагъ ۞ чевкархъу,

гIергъити бурхънани жагъаннабла цIализивад уцахъу. Аллагъли ۞ ибси саби: «Эй, малайкуни, Ну ۞ багъандан сунес дигуси секIалра хIебарили, укра хIевки, ужра хIевжили уэс виубси Дила ۞ лагъличи хIердизирая». «Алжанала «Райян» бикIути къапу лерти сари, илдазибад дуббурцунти-цун саби абицIути». «Илавад ацIибсилу дяхI-дахIли Къудратла вегI ۞ чейу». «Гъар секIа унза лерти сари. Аллагълис

лагъдешдарни -- дубуцни саби». «Дергълизив адам къалхай уцахъ-усиван, дубуцнили жагъаннабла цIализивадр уцахъуси сай». «Рамазан базлизир чучи лехIилзули ва виубсиван кумекбирули бегIти разибихъубсилули Аллагъли ۞ РяхIмулара УркIецилара хIер бяхIчиуи ва Идбаг ۞ илис кумекличи музаулхъан». «Дубдурценая - ил секIай хIушала ара-деш къулайбихрахъу». Рамазан базлизир бунагъуни хIедарибсила 11 базла бунагъуначивад ЧевхIси ۞ чевкархар».

ТаравихIла дехибала ва илдала къадри

ТаравихIла дехибала – илди суннатла дехибала сари, Рамазан базлизир дугела чараагартти дехибайс гIергъи дирути. Илди дуббурцарла цаибил дугиличирад бегIла гIергъиси дугиличи бикайчи дирути сари. ТаравихIла дехибала мижитлизир бахъличил дарх даралли манпагIятлати сари, илгъуна имкан лебхIебиалли – хъайгIир хъалибаргIичил, унрубачил дархли.

МухIаммад Даудов

Гъядат саблин, илди дехибала гехIел ракъагIятла дирар: авдехI дехибала кIикIел ракъагIятла, амма гъал ракъагIятла дарни къулайси саби – вецIдехI дехибала. МухIаммад Идбагли ۞ гъал ракъагIятла къайдали, гехIел ракъагIятлара дирусири. ТаравихIла дехибайс гIергъи хIябал ракъагIятла витру- дехибала дирути сари (гъала-гъала кIел ракъагIятла дехибала, гур – ца ракъагIятла).

ТаравихIла дехибала дирни-ла тяхIяр:

ТаравихI цалабикибси саби авдехI яра вецIдехI кIикIел ракъагIятла дехибайзибад ва илди ургар дучIути балгназибад (илди балгни удир чедаяхъили сари).

- 1). Дугела чараагартти дехибайс ва суннатла ратибагIла дехибайс гIергъи дугIа бируси саби(1-ибил балга).
- 2). ТаравихIла цаибти дехибала диру.
- 3). 1-ибил дугIа бучIа.
- 4). ТаравихIла кIиибти дехибала диру.
- 5). 2-ибил ва 1-ибил дугIа дучIа.
- 6). ТаравихIла хIябти дехибала диру.
- 7). 1-ибил дугIа бучIа.
- 8). ТаравихIла авъибти дехибала диру.
- 9). 2-ибил ва 1-ибил дугIа дучIа.
- 10). КIел ракъагIятла витру дехибала диру.
- 11). 1-ибил дугIа бучIа.
- 12). Ца ракъагIятла витру дехибала диру.
- 13). 3-ибил дугIа бучIа.

ТаравихIла дехибулти-ургар дучIути балгни

1-ибил дугIа: «Ла хIава ва ла къуввата илла биллагъ. Аллагъумма салли гIяла МухIаммадин ва гIяла али МухIаммадин ва саллим. Аллагъумма инна насъалукаль жанната фанагузубика минаннар».

2-ибил дугIа: «СубхIяна лагъи вальхIамду лиллагуи ва ла илагъа илла лагъу валлагу акбар. СубхIяна лагъи гIадада халкъигъи ва ризаа на-

фсигъи ва зината гIаршигъи ва мидада калиматигъ»(хIяйна).

3-ибил дугIа: «СубхIяналь маликиль къуддус, субхIяналь маликиль къуддус, субхIаналлагъиль маликиль къуддус, суббухIун къуддусу раббуль малаикати варрухI. СубхIяна ман тагIазаза билль къудрати валь бакъаъ ва къагъгараль гIибада билль мавти валь фанаъ. СубхIяна раббика раббиль гIиззати гIямма ясифун ва саламун гIялаль мурсалина вальхIамду лиллагуи раббиль гIяламун».

Илди лерилра балгни дехибайчибти лебтанилра ахъли дучIути сари.

Ахирличиб ишгъуна дугIа



бучIуси саби:

«Аллагъумма инни агIузу биризака мин сахатIика ва бимугIафатика мин гIукъубатика ва бика минка ля ухIси санаан гIялайка анта кама аснайта гIяла нафсика».

Гъяли бин абу Палибли бурибси хIядис.

Гъяли бин абу Палибли буриб: «Гъачам Аллагъла Расуллизил ۞ ТаравихIла дехиба манпагIятдешличила бурахъес тиладибарили саби. Идбагли ۞ иб: «Цаибил дуги ТаравихIла дехибала дарибси адам бара акIубси дурхIа къайдали бунагъуначивад умувирар. КIиибил даралли, иличивад ва илала бегIтачивад(илди бусурманги биалли) Аллагъ ۞ чевкархар. ХIябти дуги – илизи Гъаршлиурад малайкли гIамадиру: «ХIуни хIела баркбуди даимбара, Аллагъ ۞ хIуни гъаннала ур дарибти бунагъуначивад чевкерхурли сай!».

Авъибил дуги даралли, илис Таврат, Инжил, Забур ва Къуръан делчунсилисцад кери биур. Шуибил дуги, Аллагъли ۞ илис Макализибси Масжид-уль-ХIарамлизир, Мадинализибси Масжид-уль-Набавилизир ва Иерусалимлизибси Масжид-уль-Аксализир дехибала дарибсилути цугси кери биахъу. Урег-ибил дуги, Аллагъли ۞ илис Байтуль-Мамурлизир (чузир малайкунани мурталра таваф бируси, КъагIабала чедибси заклиз мерлабиубси нурла хъали) таваф барибсилисцад кери биахъу. Байтуль-МагIмурлизибси гъарил биштIаси къаркъала бутIа ва хIятта

бархIи лерилра мусибатуначивад уре-хIагар виру.

ВецIну авра ибил дуги, малайкунани бикъридеш диру ил адамли ТаравихIла дехибала дариб или, ва Къиямала бархIи Аллагъли ۞ ил хIисаб-суайзивад акъувалта.

ВецIну шура эсил дуги, малайкунани, илдала лугIилизир Гъарш ва Курс биху-танира, ил дурхъасили чейу.

ВецIну урегра эсил дуги, Аллагъли ۞ ил, жагъаннаблизивад мяхIкамварили, Алжанализи виахъу.

ВецIну верхIра эсил дуги, Аллагъли ۞ илис идбагунас лугусигъуна савгъат луга.

ВецIну гехIра эсил дуги, малайкли гIамадиру: «Аллагъ ۞ гъарли-марли хIечи ва хIела бегIтачи разили сай».

ВецIну урчIемра эсил дуги, Аллагъли ۞ Алжанализиб илала даража Фирдав-слайчи абиркахъу.

Гъаибил дуги, Аллагъли ۞ илис шагъидунас ва гIябидунас лугусигъуна кери луга.

Гъану цара ибил дуги, Аллагъли ۞ илис Алжанализиб нурлизибад юрт биру.

Гъану кIира ибил дуги, ил адам Къия-мала бархIила къакъадешлизивад ва пашмандешлизивад мяхIкамури.

Гъану хIябра ибил дуги, Аллагъли ۞ илис Алжанализиб шагъар тIашбалта.

Гъану авра ибил дуги, ил адамла 24-дехI дехибала къабулдиру.

Гъану шура ибси дуги, Аллагъли ۞ хIябла гIязабтазивад урцахъу.

Гъану урегра ибил дуги, Аллагъли ۞ ил, 40 дус суждаличи кайзурсилисцад кери биахъубли, ахъурцу.

Гъану верхIра ибил дуги, илини СиратIла гуми лямцIливан ихъу.

Гъану гехIра ибил дуги, Аллагъли ۞ илала даража Алжанализиб азирнали имцIабихрахъу.

Гъану урчIемра ибил дуги, Аллагъли ۞ илис азирна хIяжлизи вякъунсилисцад кери биахъу.

ХIябти ибси дугилизирра даралли, Аллагъли ۞ иру: «Ва дила лагъ! Алжана-ла цедешла муридеш багъи, Саль-Сабильла шиннизив вази, Алжанала Кавсар хIеркIла шин держа. Ну хIела Аллагъра ۞, хIу дила лагъри».

(ХIядис «Нузгъатуль Маджалис» жузлизибад касибси саби).

Узби ва рузби!

Даширая, ил базличир нуша АкIахъубсилу ۞ бурибси къайдали разидирехIе. Керила баркбудлуми, гIибадатуни, балгни имцIали дирехIе. Нушала мезани нясдешуначивад умудирехIе, урIбазивад гъими убисехIе! Аллагъли ۞ нушаб ил багъандан иш дунъяличиб къайдали, Ахиратлизибра гIяхIдеш гIеббихъу.

Сегъунти дирара бунагъуни

БехЛихуд – арбякъунси номерлизиб

Къаркъа бунагъуни

БегЛачи лехЛейхъни, илдани ибта херкъни, илди бачабирхахъни, илкъяйдали цархилтира, хиятта бегЛти бусурманти хебиалра. Амма илдаци лехЛирхъуси ахлен, эгер илдани ШаригЛят булгули биалли.

КъурамяхИяммад-Хияжи Рамазанов

БегЛачилис ва тухумтачилис ургала булгъас асухебирар. Илдас бекЛяхъудилизиб кумекбирес, илдацила гъачамалра хъумхетрес, цархилти мер-мусаличиб хербирули биалли, илдацил бархбас бузахъес, илдацила къайгъи дакЛубирес гягЛниса саби.

Унра гымукЛяхъес ва илис зарулта виркъес асубируси ахлен, ил бусурман хейаллира.

Мурул адатасцунра ахли, хъунул адатасра хиярам саби гъез цударли рангдарни. ЦацабехЛти гялимтани бурни хиясибли, хъунул адатли гъез дакес рирар мурулла ихтияр хиясибли.

Хъунул адатлис мурул адатли палтар чегъес асубируси ахлен, мурул адатлис хъунул адатли палтар чегъес асухебируливан. Халаверхурли чегъес асубируси ахлен.

Фарз дурахЛиберкЛили калахъес, илкъяйдали сабаб агарли ил дурабуркЛни тЛашаэс асухебирар. Имам ШафигЛила мазгъаблизиб сунна тЛашаэни бунагъули буйгули ахлен, амма сабаб агарли ил тЛашхЛейни гягЛил саби. Эгер бусурманни сунна дурабуркЛули чеимцЛ Хияж бирудра или сунечивад чевверхести цархилти аги-къайда агарли ил тЛашаалли – бунагъ саби. Ислам багъанданси дявлзивад, къачагъдеш дарили, гъавухъни – бунагъ саби. Бусурман адатли четехЛибдешуни ашкардарес багъандан, дигЛянали илис гелавадиркес асубируси ахлен.

Къаркъайчи шинкъялчил някъишдирни бунагъ саби.

Мурул адатлис хиярамлати сари мургъила гягЛниахълуми ва архЛяла палтар. Амма илди хъунул адатлис хиярамти ахлен, арцла тЛулека ил мурул адатлисра асубируси саби. Бунагъ саби мургъила ва арцла тЛалхЛяна лерни ва пайдаладирни.

Мурул адатлисра хъунул адатлисра саби урузкЛуси цархил адат мякълав агарли бахъллизибад сабицун декларли бирес асухебирар.

Хъунул адатлис гъарахъихли архЛяличи дураухъес асухебирар, мурул яра магърам(сари шери рукъес асухебируси мурул адат) варх агарли. Ил къайдализи кабурхули ахлен хъунул адатли хияж-фарз дурабуркЛни яра, сунела шагъарлизив мугЛяллим хЛергили, Исламла шайчирти багъуддуми кайснела мурадличил дураухъни.

Бунагъ саби диннички кайзурси адатличил, Аллагъла валичил къалмакъарли виркъни.

Бунагъ саби къалпила арцличил вачар-чакар дузахъули, илди бахъла ургар тЛинтЛдирни, сенахЛену ил виргЛявиргни саби: се-биалра исухЛели, къиматличичи цугси бехЛсурдеш бетарули ахлен. Бунагъ саби цархилтази бунагъуни дирахъес кумекбарни, масала, арцличил. Бунагъ саби муртадличил – диннички ургЛерти багъуддумала вегЛ адатличил, яра, сунела бунагъуни гЛердурцули, фасикълличил – халати бунагъуни дурадуркЛуси бусурманничил – кайъни. Масала, бунагъ саби держли бужутачил ца къумурличичи кайъни, сунени держла хЛебужули виалра. Эгер бусурман бунагъуни дируси мерличив хабар агарли къаршиикалли, гъалагъала илини илди баркъудиличил тЛашаэс гягЛниса саби, бетхЛерули биалли (масала, сегъуна-биалра урехи лебли), гъайличил, эгер гъайличилра бетхЛерули биалли, адатли илдацила бунагъуни уркли-уркЛиларадалра къабулхЛедарес гягЛнитни сари ва ил мер, гъай-гъайра, бархъбатес чебси саби.

Бунагъ саби сабаб агарли дехЛибала ва дуббуцари калахъни ва хатЛабачил фарз дурабуркЛни. Мурул адатлис бунагъ биуси саби, сабаб агарли жумягЛла дехЛибала калахълли, эгер илди иличир черли диалли. Бунагъ саби фарз-дехЛибала заманаличир хЛедарили гЛелайзи ардхуни, илис ШаригЛятли марбируси сабаб лебхЛебиалли. ДекЛти ва халати секЛал пайдаладирули, масала халаси къаркъа, авлигЛив гЛяярвашес асухебирар. Къурбайс лугъуси мицЛираг гЛязабуркЛес асубируси ахлен. МицЛираг лишаннис пайдалабирес асухебирар. Мурул вебКЛили гЛергъи хъунуйс авал базра 10 бархЛира (бацла календарь хЛясибли) яра дурхЛялис раънила



манзил таманбиайчи, мурулла юрт бархъбатни бунагъ саби. Илис чарх бикес, жагали реГЛирес, яра цархил тЛягЛри разиритни балахъес асубируси ахлен. Ил сунела унра хъунуйчи рукъес рирар, амма чедиб гъанбушибси манзил таманбиайчи дуги беркЛес асубируси саби сунела мурулла хъулибцун.

Бунагъ саби дабриличил ва палтарличил дарх, чЛябар ва бяхЛяни дясахъули, мижитлизи нажас (нядешуни) дихни.

Ахъри лебси гъарил бусурманничиб чебси саби сунела гЛямрулизив цайна-биалра зияратли хЛяжлизив укъес. Бунагъ саби, ил барес имканти лерли гЛергъи, хЛяж-фарз дурахЛиберкЛни яра сунела гЛямру кадерхайчи гъар дус гЛелайзи арбихни, эгер ил барес багъандан ШаригЛят хЛясибси сабаб агара биалли.

Вузуй (дазала) агарли Къуръан някъбази буцни бунагъ саби.

Бунагъ саби урхЛла вегЛдешлизибси секЛал, сунела вегЛла ихтияр агарли, ижарализи бедни яра ил цархил мурадличил пайдалабарни. Асухебирар илкъяйдали тЛабигЛятли лигЛматунни – вацЛла, хЛеркЛ ва цархилти – вегЛлакадарили, цархилти пайдалабарахъес хЛедалтес. Адатли сегъуна-биалра секЛал баргалли, иличиб чебси саби баргисиличила багъахъес ва вегЛ мурт дакЛувирарал хЛерли кайрес (бегЛла вахъхли – ца дус). Илкъяйда хЛебарили ил секЛайчил пайдалавирни – бунагъ саби.

Хъунул адатлис бунагъбиуси саби цархЛилла муруйчил кЛушрикЛалли.

Бусурман бекЛдеш диранничичи лехЛейхъни, иличил ургъни ва дявтавиркъни – бунагъ саби, хЛятта ил бунагъ-кар виаллира. Сунечи имамла, судьяла(къадила), мижит тЛашбалтнела ва иличи мешути цархилти хЛянчи дирнила чеблуми часни бунагъ саби, эгер сунени илди тамандарес хЛейрули виъни балули виалли. Сунес чеббицЛес дигутази ведес гЛелумизурли, зулкумар дигЛянаварни бунагъ саби.

Бедили гЛергъи таманбарес хЛейруси назр бедни бунагъ саби.

Цархил бусурмайс хасбарибси мер буцни бунагъ саби(масала, заманалис дураухъунси мугЛяллимла мер буцес асубируси ахлен).

Канила бунагъуни

Гъарали лугЛни, билгЛни яра цЛак пайдалабарили урхЛла лебдеш кебасни ва илкъяйдали дикахъибти арц пайдаладарили хЛерирни бунагъ саби. Илкъяйдали ШаригЛятлизив бунагълизи халбируси саби рушбатлис, рибалис, налоглис ва пошлиналис, хЛялалси ахЛенси бузерилис дикибти арц пайдаладарили хЛерирни ва хуреглавирни. Илди арц пайдаладирули адат укули виалли – ил канила бунагълизи халбируси саби.

Наркотикуни, кепирахъути держ, ШаригЛятла тЛалабуначи дурусли хЛебелгъунси мицЛирагла дий, цурала дий, хЛила хурег, илкъяйдали хугЛли алхакъунти мицЛираг хуреглизир пайдаладирни бунагъ саби. Илкъяйдали хуреглизив пайдалабарес асубируси ахлен къаркъайс балу-балули зарал бирахъуси секЛал – загъру, чузир агъу дархти секЛли, кислотабни.

Цуръати дурхЛнала арц сунес пайдалис яра тамяхЛкардешла мурадунас пайдаладирни – бунагъ саби. Белгити мурадунас хасдарес или тЛалабдарибти арц цархил шайчи пайдаладарес асухебирар. Масала, мижит белшахъес яра дурхЛнас берк-берж асахъес или деклардарибти.

ЖихЛерибси хъули вакЛили, хъа бегЛти урузбиахъни – бунагъ саби. Сай жихЛерили вакЛибси хъулиб, хъа вегЛ къабулли хЛейалли, хурег беркни – хЛярам саби. Хужайм къабулли хЛейъни балули, илизибад сегъуна-биалра секЛал сасес яра бедахъес тиладибарес асубируси ахлен. Илини ил бедес асубирар, амма уркли-уркЛилабад хЛелуга.

Аввабинтала дехЛибала

Аввабинти Аллагълис мугЛигЛвакЛили, ил разиварес дигнила бархЛехъла (маркЛачЛила, магърибла) паризала дехЛибайс гЛергъи дугелила (гЛишаъ) паризала дехЛибайс гъалар дирути суннатуни сари. ГЛяхЛси саби магърибла дехЛибала азкартас гЛергъи дарни.

Ислам ХЛямзатов

Аввабинти дехЛибайзирти ракагЛятунала бегЛла камси къада»р – 2, бегЛла халаси – 20, ургабси – 6 саби. Дурхъаси саби кЛикЛел ракагЛатла хЛябдехЛ яра авдехЛ дехЛибала дарни.

ГЛузру биубли, илди заманаличир дарес бажардихЛейкалли, дугелила дехЛибайс гЛергъи черахъес асубирар. Аввабинти черихънира суннат саби.

ШагЛрани бикЛуси халаси валини иб, аввабинти дарибсила урклилизив халаси нур кабицЛур или.

Тирмизичибад, ибну Мажагъичибад, ибну ХЛузайматличибад бакЛибси хЛядислизив бурили саби, аввабинтала урегЛл ракагЛят дарибсилес ва бархЛехълара дугелилара дехЛибала ургаб вайси гъай хЛебурибсилес 12 дусла гЛибадатлагъуна кери бирар или.

БархЛехъла (магърибла) жамигЛятла дехЛибалара дарили, дугелила жамигЛятла дехЛибайс мижитлизивра кали, ургав дунъяла гъайли гъайра хЛейкЛули, аввабинти дарибси мерличичи кайили, Къуръай учлули, дугЛя бирули, истигъфарра бузахъули замана беркЛибсилес халаси кери бируси саби.

Вагъабиянтани аввабинти дарахъес маслигЛятбирули ахлен. ЦацабехЛ гЛялимтани бурули саби аввабинтала кЛел ракЛягЛат паризала дехЛибайс гъаларра дирути сари или.

Мусафирли магърибла дехЛибала дугелилайчи ардухибхЛели, аввабинти дугелилайс гЛергъи диру.

Аввабинти дируси замана (бархЛехъла дехЛибала азкартас гЛергъи дугелила паризала баайчи) уркулунти паризала дехЛибала черихъаллира, аввабинти детерхънилизив халбирар. (Къияму ллайл) ДехЛибайчил дуги мицЛирбарнила

Илди дехЛибай адат Аллагъличичи (вирхнила) мурхъдеш ва умудеш якъиндирахъу, сенкЛун илди дарни адатлис бегЛла къиянси замана – гъанкЛ батурли айзурли – Аллагъла гъала мугЛигЛли дигиличил тЛашизни саби. Къияму ллайл дехЛибала дирусини усаэс гъалаб нийят барни гЛяхЛси саби, сенкЛун, хЛядис хЛясибли, илди дехЛибайчи айзес къасли кайхълалли, илала къаслис кери бирар ва илкъяйда Аллагъла урклецЛира гЛеббидур.

Къияму ллайл – дугели тЛашилзнила дехЛибала – мурталра дируси адат гъачам илди дарес чевхЛергълара, хЛядис хЛясибли, илис илди дарнилизив халдирути сари. Гъар ракагЛятлизир «Аль – ФатихЛалис» гЛергъи дучла «Каафируун» - 1, «ИхЛяс» - 3.

Дугели гъанкЛ батурли айзес хЛейрусини илди дехЛибала чула дурхъадеш, къимат – къадри сабабли, хЛедарили датнивван ахли, кайхъес гъалар дарни къулайси бетарар. ГЛяйшатни бурни хЛясибли, идбагли илди 2 ракагЛятла дехЛибала дири дугелила ва савлила дехЛибултала ургар, кЛел ракагЛятлис гЛергъи салам белдлугули, дехЛибала тамандири ца ракагЛятличил. ИлхЛелира гъар суждализив 50 аят делчЛари замана кавли. Идбагли с.а.в. илди дехЛибала лерилра гЛямрулизир дурадуркли.

Закат — Сиратла гуми

1 « Сай Гяхулали закат хелугуси адам Аллагъла ﷻ душман сай ва, иличил къяйли, шайтла юлдашра сай. Ил сай Аллагъли ﷻ мискинтас ва ахъри камтас бедибси лебдеш сунеска бирар.

Цакъадар гъарбизурси баркъудила адамлис цацахъели гъанбиркур сунела ункъси яшав-бекъахъудиличи чилалра кумек агарли, сайцун ваибсира или. Илгъуна адамлис гъадатласи ца хъекъдешличила пикриухъес чебсири: сунела лебси пагъму, гъякълу, цархилти пайдалати хасдешуни, гъаттира мурхъли пикриухъалли, сунес гъямру ва бяркъ гитби нешдудеш, сунес пайдалати багъудлуми гитби мугъяллимти – илди лерилра секлал илис Аллагъли гитби дигъниличила. Ил багъандан, ил Аллагъла ﷻ гъалав чеблалуив сай ва илис адамтала гъалав сунела давлаличи пахрума-виркъес асубируси ахъен.

«Закат» ибси девла мягъна
«Закат» гъярабунала мезличибад «умувиъни» ибсиван шурбалтуси саби. Дехибала – чархла умудеш диалли, закат давлала умудеш саби. Селизибад ва сен умубируси хъялалли тлалабарибси лебдеш? Нушаб дигахъеллира хъейгахъеллира, нушани давла тлалабарихъели, нушазирад диштлати ва халати дахъал бунагъуни кадиркули сари. Хаслира – вачар-чакар дузахъухъели. Бирцуси масла хасдешличила хъебурули, ил гъяхъси сабливан чебиахъули, илкъяйдали цархилти илдигъунти баркъудлумани хъялалси лебдеш нясбирнила шайчирти бунагъуни уркасахъес багъандан, чараагарси шартг саби садакъа (закат) лугни. Закат бедни – давлаличирти нус агардарни, ил умубарни сари. Чъянкъли илис гъергъицун асубирир лебдешличил пайдалавирес. Няслизибад ил умухъебаралли, ил загъру бетаруси саби, суненира цархил лебдеш агъулабируси. Ил багъандан, хъялалси, бархъси бузериличил тлалабарибси давла лайикъси къадарла садакъа хъегалли, илала хъужаимлис хъярамсили бетарули саби. Илкъяйдали, сунезибад лайикъси къадарла закат хъебедибси давла лебдешла веглисра илала хъалибаргисра агъу бетаруси саби, илини сайра сунела гъамтира агъулабирахъути саби.

Аллагъла Расулли ﷺ бурни хъясибли, «асухъебируси секлал харжбарили къаркъайзиб имцлабуубси бутла жагъаннабла цалис саби». Хъялалли ахъенси давлали къаркъайзиб чеимцлабарибси бутла асухъебируси



секлал барес гъирбикуси саби. Асухъебируси беркай бунагъласи секлал барахъес къаркъала гъирбиру, илаб Аллагъла ﷻ нушалара душман – шайтлан – дебакабирар, къаркъала биалли иличил гъалмагъбиркур. Илгъуна адамлис дехибала дирес дубурцес, цархилти хъарбаркъуни тамандирес къиянбулхъан. Асухъебируси, лягънатбареси секлал барес гъириру. Илгъуна саби закат лугнилара ва Аллагъла цархилти хъарбаркъуни, хасданра дехибала дирнила, тамандирнилара ургабси бархбас.

Чис бедес гъягъниси?

Закат лугусилис сунени закат бедибси адам сунела чеблалуив сай или гъанбиркахъес асухъебирар. Иличи ургъебли сай илдала чеблалуивси сай. Баягъи мискинти ва ахъри камти(чус закат бедес гъягънити) адамти лебниличибли давлачевлис имканбикъули саби сунела лебдеш бунагъуназибад умубарес. Ил Аллагълизи ﷻ улгес гъягъниси сай, бегг гъалабси яргализив, закат бедахъес имкан гитни багъандан ва, къийбил яргализив, илис закат бедести адамти лебни багъандан. Гъялимтачиб ва имамтачиб ахъи, давлачев адамличиб саби чебла закат сасес ихтияр лебти адамтагив умцлес ва илди-ургаб закат бутлес.

Паргъатагартти гъямру

Закат лугниличила балуси ва иргъуси, амма, сегъунти-биалра сабабти даргили, ил хъелугуси давлачев адам, сунела давлализиб умудеш агни багъандан, Аллагъла ﷻ балагъуначи хъерли кайаб. Илгъуна лебдеш багъандан сунела вегличи ва илкъяйдали илала хъалибаргличи балагъуни ляркъян. Цалабахъибси давла багъандан даим урехилизив виъни ва къакъавакъили виъни – ил саби иш дунъяличиб иличи бархъибси бегъла халаси балагъ. Сегъуна къараул кабаталлира, сегъунти члумати сейфани асаллира, лерил-

ра гъямру илини урехилизир дурклу, лебил сунела давлализивад ухъи, иш дунъяличивад миски араркъян. Чараагарли давлализивад улхъан. Мар-марли, давлализивад ухънила урехи – ил саби иш дунъяличиб илис танбихл.

«Флешкабачилти» «вацлала узби»

Нушала ишхъелла гъямрулизибад касибси гъадатласи анцбукъ. Наб тяниши ца адам лев. Сунела гъяхил гъарбилзуси баркъудила адам сай ил. Хъалибаргил пергерси бекг ва гъяхъси адам, иличи че, бегг гъалаб хъеръибхъели диннич ахъибсиван гъанаэсилра сай: дехибала диру, хъяжлизи вькъун... Амма гъачамалра закат гитси ахъен. Иличила аргъес балли хъейгахъу. Эгер чис-биалра кумекбарес чебуркъалли, илини сунела халаси баркъудилизи халбиру, сунени кумекбаритбас уркъубяхъесра гъелумхъелзан, сунес баркалла хъейрули или. Ва хъера се бетатурал? Гъачам илала жагаси, давлачевси юртлизи хъулкни абациб, сунени хъялалли цалабахъибси давла арбухиб. Дахъал дусмала бухънаб закат къяйдали сунени мискинтас сай гъяхъулалли бутлес гъягъниси секлал Аллагъли ﷻ имцла-имцали арбухиб. Ва хъера, хъужаимли, къиркъирбарили бутлес хъейубси секлал Аллагъли ﷻ сегъуна-биалра сабаб баргили, арбухули саби. Амма нушани къулкидеш гъяхил чедиулра или гъанмабиркахъидая. Ил Исламлизиб бегъла халати бунагъуназибад ца саби ва хъулки иш дунъяличив сагъ саламатли танбихлаварес гъягъниси сай, эгер ил сунени барибсилличи пашманхъейалли ва сунени бигъунси секлал веглис чархъебаралли, ил итил дунъяличив гъаттира цакъли танбихлавиру. Чардулхъехъе нушала игитличи. Сунела секлал бетакъниличи шакикили ва гъядлу-зегъа далгахъутала кумекличил ил сунес чарбиру ибти пикруми

нехъекълати дигъни багъурли, ил сунечи бакъибси балагълиси лебилра гъяйибла беггти сабливан уркъубяхъуна виркъули калун: «Хъера сегъунти вайти, убяхъти ва урхъла секъайчи мяштбигути адамти сабил нушала! Чина хъербикуси милиция (полиция)? Ил, лебилра хъукумат къяйдали, рушбатчидешлизи гъелабикили саби. Жамигъят берхъили ва пашкабехъубли саби!». Хъера, илала гъай хъясибли, лебилра гъяйибла беггти саби. Адамтала ва Аллагъла ﷻ гъалав ца сайцун сай виштласила нургъбичив умуси. Амма ил шакалра виркули ахъен вайси сай виъниличи, Аллагъла ﷻ хъарбаркъуназибад бегълара мягъничебси таманхъебирни багъандан, сунечи илгъуна балагъ бакъниличи. Цайна ва къийнацун ахъенри бурибси, нушачи балагъуни ва зугълуми дашути Аллагъла ﷻ хъарбаркъуни таманхъедирни багъандан ва илала къадагълуми дулъни багъандан сари.

Закат хъелугусилис танбихли биэс бирар жура-журала къачагъуни, бархъагартти хъякимти, чулира илизибад бируцад халаси рушбат тлалабирути. Илкъяйдали – «флешкабачибти» «вацлала узбира». Закат хъелугуси давлачев адамти багъаб, сунечи чараагарли гуждан секлал билтлугти яра налог сайсути, яра полицейскийти лябкъян, яра илис «флешка» бархъиу.

Къиямала кахси бархъи

Закат бедес гъелумилзусила бекъличи сегъунти балагъуни дакъаллира, илди селра ахъен Къиямала кахси бархъи иличи хъерти кахти танбихлъунала гъалар. Ил Бархъи Аллагъли ﷻ сунезибад закат хъебедибси давла мицъирбиру, ва ил сунела хъужаимличи къаршили бикърили кабилзан. Эгер сай мицъирли левалхъели илала хъяйвантала хъункъри лерли ва илдазибад закат хъегили виалли, мицъирагли мукукращил ил хъурсиру ва сунечир ганздиклар, цархил давла биалли, Аллагъли ﷻ илизибад халаси чичлала бетарахъу, илинира сунела хъужаим гъязабурклу. Аллагъли ﷻ сунела Расул Мухъяммадлизис ﷺ дурибтазирад бегълара камти мусибатунни ва кахдешуни сари илди. Ахъерти узби, чузиб Аллагъличи ﷻ ва Къиямала бархъиличи бирхъаудила ца къанталра лебсили, Илала ﷻ хъарбаркъуназибад ва къадагълумазибад цалра ташмишдешличи хъеху. Я Аллагъ ﷻ, умуси Шаригъятлис гъергъи дашахъес ва Хъела ﷻ диннич иркъи-уркъиларад дирхахъес нушаб цакъани га! Амин!

Дуббуцарла фарзани ва дуббуцари букъбулъути секлулти

1. Нигет – ил уркъилаб бируси саби. Амма мухълини буралли, дурхъали (суннатли) бирар. Нигет бируси тяхъяр: «Нуни нигет бирулира ну жягъл дубуцес, иш дуслизиб бакъибси дурхъаси рамазан базла дуббуцар буцес, набчиб чебси фарз бархъбарес, Аллагълис Аллагъу акбар».

Нигетлизиб бархъи, баз, дус ва дуббуцар чебси сабни гъандушес черли дирар. Нигетра гъар дуги бирес чебси саби, масала, нуша жягъл дубдурцули диэхъелли, ишбархъила дуги, берхъи гъелабикили гъергъи, савлила шала дурабухъайчи бирехъе. Нушани хъумкартурли нигет хъебарили калес асубирни багъандан,

ихтияр леб баз бехъибхъибхъели, лебилра базлис нигет баресра. Масала, жагъл рамазан баз бехъибирхъули биалли, нушани ишдуги, берхъи гъелабикили гъергъи, савлила шала дурабухъайчи нигет бирулира: «Нуни нигет бирулира имам Маликла мазгъабличи кайзурли иш дуслизиб бакъибси лебилра рамазан базла дубуцури дуцес, набчиб чебси фарз баркъес, Аллагълис Аллагъу акбар».

2. Дуббуцар букъбулъути секлулти датни, савлила шала бехъибирхъулейчибад (савлила дехлиба замана ибхъейчибад) берхъи гъелабикайчи.

3. Дуббуцар бехъибирхъусира таманбирусира замана багъни.

» 6



Аллагъ ﷻ ца варни — Исламла хъарихъ

Аллагъ ﷻ ца варни Исламла хъулчи саби, сенахенну ца Аллагъ-личи ﷻ вирхулицун вирар нуша Акѡахъубсилис ﷻ къулдукъличи кайзес.

КъурамахъИаммад-ХІяжи Рамазанов

Сен гъатІи Исламла Аллагъ ﷻ ца варниличил илцад пикри бяхъичули? Сенахенну Аллагъ ﷻ ца вируле виалли адам Иличил ﷻ гъарли-марли уркіи-уркілавад вирхес вирар. Аллагъ ﷻ ца варни галгала мякъячил цугбуцес вирар: Илала ар дин саби, къама ва цедеш - шаригъатла къанунти. Чумати хІячми ва араси ар хІедалли галга бухъниличила, хаслира илини цедеш лугъниличила гъай диэсра хІедирар. Эгер ил девла мягъниличила пикридухъахІелли, ил гІярабунала «вахад» ибси хІячилизибад бетаруси саби, илини «арагъбли биз» ибси мягъна иргъахъули саби, Аллагъ ﷻ ца варни- баркъудлумачирли ва гІякълула кумекличибил динничил бирхауди бетархъуси гІилму саби. Ил гІилмули атеистунала ва бирхъебирхутала къяна гъаргъирули саби. Илис илкъяйда бикъути саби илала хъулчили Ца Аллагъ ﷻ виънищун кабилзахъни багъандан. Иличил къяйли Аллагъ ﷻ ца варнила хІекълизибси гІилмулизи ЧевяхІсила ﷻ идбагунала гІямруличила ва хІекъдешличила Дурхъати белкъаначи, нуша Акѡахъубсилис ﷻ илди дунгъялици дархъниличил, илала малайкъуначи, Къиямала БархІиличи, Алжаналичи ва Жагъаннабличил вирхнила хІекълизирти баянти кадурхули сари. Ташмищдеш агарли, Аллагъ ﷻ ца варни бегІлара дурхъати гІилмургазибад ца саби, сенахенну илини Сай ЧевяхІси ﷻ ва Иличил ﷻ вирхниличил дархдасунти лерилра секІал. Илала къиматчедешла даражаличила бурули саби Аллагъ ﷻ ца варнигъарил адамлис чараагарси биъниличила бирхаудили. Бурес гІягънили саби, Къуръанна гІяхІцад бутІа сабира МухІяммад Идбагличил ﷻ 13 дусли баахъибси, ил Мадиализи гечайичи, Аллагъ ﷻ ца варнилис багъишлабарибси саби. Аллагъ ﷻ ца варнила къиматчедешличила бурули саби жамигъатлис Аллагъ ﷻ ца варнила хІекълизибси гІилму ил жамигъатла динна цѡакъдешлизибад дигахъуси саби. Баягъи ца Аллагъ-лис ﷻ суждбирнила хІекълизибси

гІилму бусурмантала уркібазиб хІярхІбирниличибил Идбагла ﷻ манзилличирад гъарахъдиркуцад илдала хІярхІдешличил бархбалсахъули саби. Аллагъ ﷻ ца варнила хІекълизибси даражала мягъничедешличила бурули саби ЧевяхІсилис ﷻ сунечи дирхала агарси адамла гІяхІти баркъудлуми къабулхІедирнилира, илди сецад гІяхІти диалра. Ил иш гІергъисил мисалличил баянбарес вирар. Пикрибарая, кІел хІянчизар анхълизи бузес бакІили саби. Илди илаб анхъичил ва анхъла хужаимличил къаршибикили саби. Цаибилли бусгІятал анхъла вегІ вагъур ва анхъчила хъарбаркъуни, арагІерли хІедалра, дирес вехІхъиб. ЦацахІели къалли илини илала хъарбаркъуни дулгъулира вири. КИибилли анхъла хужаим къабулхІериб, анхъичил лехІхІехъиб ва сай-саял узес вехІхъиб, анхъла вегІла хъарбаркъуни хІедирули. Илдазивад чичи гІяхІил хІерикІара анхъла вегІ? Гъайгъайра, цаибилличил, сенахенну сунечи лехІхІелзни багъандан илини кИибил хІянчилизибад акъуватес гІягънили саби, сунени лерилра хІянчи пергерсун тамандирули виалра, сенахенну илини бегІлара бекІлибиубси секІал хІебарили калун - анхъла вегІ къабулхІериб ва анхъла лигІматуни пайдаладирули анхъичил лехІхІехъиб. Ил анхъ - нушала дунгъяла мисал саби, сунезибра ЧевяхІси ﷻ - анхъла вегІ сай, МухІяммад Идбагъ ﷻ - анхъчи.

Аллагъ ﷻ ца варни гІурра мягъничебси саби, сенахенну ил агарси адам сукъурсилличил мешуиркур. Илини сай селис акѡахъубсил багъес хІейрар, гІямрула мягІна багъес хІейрар, алавчарси дунгъя лебнила пасихІдеш аргъес хІейрар, вебкіли гІергъи сунечил се бирарал пикрихІелхъан, чина аркъулил ва сунечи се хІерлил багъес хІейрар.

. Аллагъ ﷻ ца варни аргъибти биалли ЧевяхІсилис ﷻ белкъунси къадарличил дурусил хІербирар. Иличибил чІумаси, гъарра шайчиб арбкъунси жамигъат ва илизибти адамтала ургар узидеш мяхІкамдарес икъаблабирар. Сен-сен левкъуси Аллагъ ﷻ ца варниличил? Дурхъаси Къуръаннизизир дахъал аятуни лер нуша ЧевяхІсилис ﷻ дурутачила ва дирутачила нуша пикридикѡахъес жидикІуги. Иличибил бегІла гІергъира Сай ﷻ левъниличила нушазиб дирхала чІумабирахъу. Аллагъ ﷻ ца варни личи



аркъуси бегІлара гъамадси хъулчилибиубси гъуни саби гъарил секІа сай акѡахъубси секІал леббичилличил бирхауди ва лерил секІал дагъурхІелищун адамли аргъес вирар Аллагъ ﷻ виъниличила хІекъдеш.

ЧевяхІсилис ﷻ уркецили бетарули саби Илини ﷻ нуша алав лерилра лигІматуни акѡахъубли адамти гІякъуличил бегІбарили, илди Аллагъ ﷻ ца варниличил саби-сабил бакѡахъес хІебатни. Илини илдаци Идбагъ ﷻ вархъиб, суненира Аллагъли ﷻ бархъибси Къуръайчибли ва лугІилашал дахъал хІядисуначибил халкълизи аргъахъибси. Дурхъаси Къуръайзир ЧевяхІсилис ﷻ нуша илкъядали жидирула нуша нешла канилар лерай, акІубил гІергъи нешла михъирлизибад, гІур биалли бегІтазибад нуша биркуси беркалаличила пикридухъахъес. ИлхІели, илкъяйдали пикридухъахъи, нушани иргъехІе ЧевяхІсилис ﷻ «Ар-Разакъ» дунгъяличил ва зубразиб лебси мищирси секІайс («ЛигІматуни лугъуси») ибси ула мягІна. Дунгъя гъар се-секІайзиб балкъаурси биъниличил дирхала бихъили гІергъищун нуша ишгъуна хІясил ашкарбирар: Ил - Аллагъ ﷻ - ПасихІси (Аль-ХІяким) сай. Алавчар хІергъили ва дунгъя севан жагалил чебаили гІергъи нушаб къиянни ахІен Ил-Лерил секІал далуси (Аль Хабир) виъни. Лебилра адамти ЧевяхІсилис ﷻ бирхути ва гаурти - ва лерилра мищирти секІал секІа бегІти бетарахъни балули, нуша-

ни иргъула Ил ﷻ уркеци-ряхІмула вегІ (Ар РяхІим), сахаватси (Аль Карим) виъни. Чеббалкъунти адамти Аллагъли ﷻ бархъси гъуйчи кабалтнелис нуша бикъруми сархІели, нушани иргъула ил гъарли марси насихІятчи (Аль-Гъади).

ЧевяхІсилис ﷻ Сунела ﷻ дазуагарси уркецилиличил нушачи Идбагъ ﷻ вархъилищун ахІи караматдешличила илала хасдешунира чІумадилахъуб ва сунечи адамти ташмищдеш агарли ва чІумали бирхъес багъандан гІяламатуначил вегІвариб. Илала дурабад, ил левкъниличила, левкъуси заманаличила, илала къалип-суратличила, сай дакувируси жинсличила илис гъалар дархъибти цархІилти дурхъати белкъаназибра бурили саби. Илала бегІлара халаси гІяламат саби ва кавлули саби дурхъаси Къуръан ва ишхІелла гІилмула хІялумцІлабани илдазиб чула дурусдеш бургни. Къуръанна ил гІяламатли дунгъяличирти лерилра мераначибадти бахъал гІялимти ва гІядатла адамти тамашабирлахъули саби, чулира цаси Аллагъли ﷻ къанунти пикридарили, хІялумцІлаби дурадерили ва аргъили, уркіи-уркілабад Ислам къабулбирули саби. Масала, США-лизибщун гъар дус бусурмантала лугІи 3 процентла имцІабикІули саби. Аллагъ ﷻ ца варни аргъахъес гІякъули ва Аллагъличи дирхъахъес цѡакъ ЧевяхІсилис ﷻ нушаб габ.

Дуббуцарла фарзани ва дуббуцари букъбулгъути секІулти

5 « Дуббуцари букъбулгъути секІулти:

1. Беркеси беркалли я бержеси бержалли.

Савлила шала бехІбирхъуси заманаличибад (савлила дехІиба заманаличибад), берхІи гІелабикайчи (бархІехъла, 4-эсти дехІиба замана бикайчи). Ил заманализиб я беркала я бержала асухІебирар. Илала дурабад къаркъа бухІна мухІлилабад, лихІбазибад, хІулбазибад, гъалабси гІелабси гІявратлизибад селра бухІнабухъес асухІебирар. Масала, лихІбази шин духІнадухъес, яра папирус барес асухІебирар. Амма адамли се-биалра беркалли яра бержалли, сай дубуцниличила хъумжартурли, дуббуцар хІебелхъан. Илгъуна адамлис сай дубуцни гъанбикибхІели, дукутира дужутира къалабали ташкаэс чебли бирар. Дубуцисил адамли дазала дирухІели сай дубуцнира хъумхІертурли, мухІлила шин духили, дебали мухІли баргарули шин къяраалли, дуббуцар белхъан.

Савли дуги дубуцес гъалав беркай укунхІели, мухІлила бухІнала гІяхІил бирцес чебли бирар, сенахенну дубуцисил замана, цулбала ургар калунти диштІати берка бутІни къяраалли, дуббуцар белхъан. Дубуцисилни шутри къяраалли, дуббуцар хІебелхъан, амма ахтури къяраалли, сарира мухІлила духІна дашути дуббуцари белхъан. Амма ахтури канила духІна мухІлила хІедякъи, сурзлизирад дукъялли, дуббуцари хІебелхъан. Цулбазирад хІи дашусини, илди хІи шутрачил дарх къяраалли, дуббуцар белхъан.

2. Рабч (гІегІ)

Дуббуцарла замана балули рабч дакъахъалли, дуббуцар белхъан, амма рабч сарил дакъалли, илдани хІебелхъахъу, амма мухІли бирцес хІяжатли бирар.

3. Мурул хъуна ургарти вяшятІала.

Дуббуцарла замана, савлила шала дакъубиубси за-

маналичибад, берхІи гІелабикайчи мурул хъуна ургарти вяшятІалани дуббуцар белхъа, илала дурабад дуббуцар убяхІра биру. Илбагъандан илкъяйда бехъубси дуббуцар чебахънила дурабад кафарат (штраф) саби – 60 бархІи урgab бархІи хІебатурли дуббуцари дусес, илди дуббуцури дусес арадеш агарли биалли, 60 мискин адам бахес чебли бирар.

Илалара дурабад мурул хъуна урgab сегъуналра гъамдеш батни дурхъали бирар.

4. Оргази (семя дурадухъни).

Адам усхІеи бетаруси оргази ил мурул хъунуйчил барх бетарули биаб ва цархІил тяхІярли бетарули биаб дуббуцар белхъан. Амма усхІели бетарули биалли, дубуцар хІебелхъан, бирцили къаркъалара дуббуцар буцес чеббирар.

5. ХІяйз ва виштІаси акІубил гІергъи дурадугъути.

ХІяйз берхІи гІелабиркуси замана дакъаллира, дуббуцар белхъан.

Палтар челгънила адабуну

Бусурман адамла палтар гъарзати диэс чебиркур, кьаркъала гъяжхебирути, гъяхси саби илди цуба рангла диалли. Дебали духъанти палтар дихахъесра маслигъатбируси ахлен. Палтар жагали ва мурталра умули дихъес чебиркур.

Ансар-Хияжи Рамазанов

Палтар челгъес балуй шайчивад вехирхъуси сай. Палтар челгъухъели ишкъайда бурахъес маслигъатбируси саби: “Аллагъумма инни асълука мин хайриги ва хайри ма сунигъла лагъу, ва агъузубика мин шарриги ва шарри ма гъува лагъу” яра “Алхамдулиллаги ллази касани ма увари бигъи гъаврати ва атажаммалу бигъи байна ннаси” (Деза Аллагълис, дила гъяврат кьапъарахъес наб палтар гьбси, адамтала ургав ну илдани жагаварилра). Палтар чердалгъули бучъуси саби: “Бисмиллагъи ллази ла илагъа илла гъува”.

Палтар адамта чехлейуси мерличир челгъес ва чердалгъес чебиркур. Сагати палтар челгъухъели бучъуси саби: “Аллагъумма лакал хламду, анта касавтаниги асълука хайрагъу ва хайра ма сунигъла лагъу, ва агъузу бика мин шарриги ва шарри ма сунигъла лагъу”. (Я Аллагъ. Хед деза, Хуни набчи ил чегъурри. Нуни тиладибирулра ил хези вайсиллизбад мяхкамбарахъес). Сагати палтар асибхъели, буркъа палтар садакъалис бедлугахъес маслигъатбируси саби, багъа агарли, иличи хъяжтдеш лебсилис. Жумягъла дехибала дарес аркъухъели гъяхтигъунти палтар челгъахъес маслигъатбируси саби. Мурул адамлис дарай чъянкъилизирад дирбути палтар дихахъес къадагъабируси саби. Хъунул адамтас илди дихес асубируси саби. Хъунул адамла палтарли илала лебилра кьаркъала кьапъабирули биэс чебиркур, дяхъра някъбира (хъат някъби) ахленси, илдани шала батигъ асукъебирар, кьаркъала чехлебахъес багъандан. Кьаркъайчир чекунти палтар дихути ахлен, мурул адамла палтарличичи мешутира. Пикри бяхъичаая илди авалра секъайчи. Модала палтар бусурмантаци лайикъти ахлен. Палтарла шайчирти къанунти пикридиран гъарли-марли шайтган саби. Модала барсбикъуси саби, амма адамла палтарличичи тлаб мурталра кавлуси саби. Палтарлис кадизахъурти дазурбачила гъай бетаурхъели, Муслимли нушачи баахъибси дирхалачебси хъядис гъанбиркахъес чебиркур. Илизиб бурили саби Къиямалла бархъи гъамбикъуцад хъунул аданти палтарличичи сабли хъалли, гъаргли башар, илдигъунти хъунул аданти алжанала темра гъанхъеръу, хъятта ил гъар шайчибяхъи тинтбируси биаллира. Ил багъандан хъушанира хъушала хъунри, рурсби, дурхъни мяхкамбарая илгъуна балагъилизабад.

Вагъабизм — ХХИ-ибил даршдуслихъла балагъ

(Бехъибхъуд – арбъакъунси номерлизиб)

Дехибайзиб «Аттахийяту» бучъуси замана тлул ахъбуцили вяшбикъахъу. Дехибайзи тлашбизурли, къяшми ца метрла дягъудиру, мякъла тлашкьаурсила къяшмачира ганзихъули, къяшла ургаб мер калес асукъебирар или. Дехибала къапъа агарли дарни дурхъали бирар биклар. Гъайкартас, чузирра дурхъати Къуръа аятуни делкунти, къунчри сари биклар. Гъяхси адам, ухъна, гъялим ухънакацибхъели хъурматбарили айзахъес хъелта. Халаси бунагъ барибси адам, илдана пикри хъясибли, итмадан капур ветарар, илдана хъунуйчи дихъибти магъарла делхъан.

Асхъаб Жарбаев

Илди гъайбиклар устазли мюридунас хъарбарибси лугъиличил зикру, салават бучъни асукъебирниличила. Хъейгахъу гъаман Аллагъ гъануршнира, иличибли аданти гъякъулизибад булхъули саби или. Хъябрачи зияратбарес дураухънира къабулхъебиру. Дехиба Акбар белчи гъерги Идбагълис салават бурахъес хъелта. Бекъ къяшмачи кабаибси шалбар чегъахъес хъелбалта. Дехибайс гъерги ахъси тламалчал азкарти делчъни къабулхъебиру. Идбагъ дигахъес

чебси ахлен или биклар, Идбагъличичи диги илдана гъуйчи кайзнилизиб саби или. Жумягъла дехибайс гъерги шуртгъри айкили хъейали хъерила дехибала дарахъес хъелдалта, илди даралли, урегал фарз детарули сари или. Бикъули саби Бараатла дуги балга, дугъа, гъибадатбарес пала-виркнира бидгъа, (диннизиб агарси) асукъебируси саби или. Пурура бикъули саби тарикъатли ислам гъелабахъи чаркабирули саби, «Ихъгъа» бикъуси имам Гъазалила жузличиб дукарбикъули саби.

Идбагъ асхъабли масхаралис ца чумал гъай дурни багъандан, куфрулизи бикили или кабизур. Нушала Идбагъ Мигъражличичи ахъуцибси дуги, илини Аллагъ чеибси ахлен ва Идбагъ бегъти жагъаннабла цъализиб саби или кабизур. Илди бикъули саби халати гъялимтала, Аллагъла валибала, Гъябдулкъадир Гилани, имам ал-Гъазали, Рабигъятул Гъядавийат, имам Шягърани, Бусири, Мухъяммад ал-Джазули, Джалалуддин Руми гъунтала гъайлизиб ширк бургулра или. Чидил мерличиб вагъабистуни дакъубиаллира, илаб илдани чула балкъдеш, бархъси гъуйчибад чеббалкъни тинтбирули саби, аданти кьаршили кабилзахъу, иличибли ил мерличибси закон ва низам дукъудахъес. Вагъабистуни багъандан лебил дунъяличибти адантас гъанбиркули саби ислам экстремизмала,



уркъеци агарси дин саби или. Исламла уличибли дигъанбиркули, «Джигъад» ибси гъайра бузахъули, илдани Ислам бухънабад белхъули саби ва дин доллартас бирцули саби. Нушани дурибтала дураад вагъабистунала гурра дахъал лишанти лер. Илданила Къуръайзирад, хъядисуназирад далилти касили цахънабахъибси Къурамухъяммад-хъяжи Рамазановла «Шаригъатла суалтазиб вагъабизмала чеббалкъндеш» («Заблуждение вахъабизма в шариятских вопросах») бикъуси жузлизиб бурули саби.

Салаватла дурхъадеш

ИДБАГЛИЧИ САЛАВАТ БУШИБСИ АДАМЛИС АЛЛАГЪЛИ 10 САЛАВАТ ЧАРДИРУ

Аллагъли салават чербарибси аданти жагъаннабла цъа къячхъебилкан или хъядислизиб леб. Салават сегъуна жураличиб белчъаллира илдана дурхъадешличила дахъал хъядисуназиб бурули саби.

Камалуддин-Хияжи аль-Къакъаки

Салаватла пайдаличила ва дурхъадешличила:

- 1) Аданти Идбагълис салават буршухъели, ил Аллагъличил цугирули сай, сенахъенну Идбагълис салават Аллагълира буршуси сай, чула салаватуну деклар-декларти диаллира.
- 2) Идбагъличичи салават буршуси адам ил салават бурули левай, Аллагъла малаикунани сунечира салават буршу.
- 3) Салават бучъуси адамла Аллагъли вецъал гъяхъдеш имцъадиру, вецъал бунагъ умудиру, ил вецъал даражала ахъурцу.
- 4) Къиямала бархъи Идбагъли ил аданти шафагъят биру.
- 5) Аданти салават белчъунхъели, илдана кери малаикунани мургъила къаламтачил арцъла кьапъази лужа ва ил аданти биклар: «Хуни салават имцъабирен, Аллагъли хъела керира имцъабирули сабину».
- 6) Аллагъли ил иманагардешлизивадра, цъализивадра мяхкамвиру.
- 7) Къиямала бархъи Аллагъли сунес шагъидуначил бархъяхъадеш бедлуга.
- 8) Салават белчъунсилис малаикунани истигъфар (Аллагъ илдана бунагъуначивад чевверхахъес тиладибикъни) биру.
- 9) Ил адам вебкъибхъели, сунени белчъунси салават хъябличичи тлашкьабизурли, илдана бунагъуни умударахъес тиладибиклар.
- 10) Ца салават белчъунсилис Ухъудла дубурацад кери бедлуга.
- 11) Белчъунси салават малаикунани Идбагъличичи арху, Идбагъли сунечира чарбиру. Илизибадли гъар салават Идбагъличичи бетиахъуси саби.
- 12) Салават сабабли бирар дунъялара ахиратлара хъяжатуни бекъидънилис, анцъдукъала черардукънилис, бунагъуни умударнилис.
- 13) Салават дурхъали бирар лагъ азадвантиличиб ва гъаза-

ватли дураухъниличиб.

- 14) Гъямалти лужути малаикунани салаватли бунагъ хъелбелкъахъи тлашули саби.
 - 15) Салаватли адам цъализивад урцахъули сай ва 80 дусла бунагъуни умудирули сари.
 - 16) Аллагъла разидеш бакънилис ва уркъеци хъурабънилис сабабли бетарар.
 - 17) Аллагъла гъимиллизивад урцахъу, ва Къиямала бархъи милитгъейбахъес ва гъяхти гъямалтала шали декъбахъес сабабли бетарар.
 - 18) Сиратла гумиличивад някъ буцили шалгъеввалта.
 - 19) Чили салават белчъаллира ца бархъила бухънаб 1000, сунела алжанализибси мер чебаайчил яра малаикунани сай алжанализив ветарниличичи разиварайчил, убкъхъебклар.
 - 20) Ца салават цугбиру Аллагъла гъуйчир дарибти 20 гъазаватличичи.
 - 21) Алжанализибти вегъла хъунри (хъурулгъин) имцъабирнилис сабабли бирар.
 - 22) Садакъа барес имкан агарси аданти салават цугбиркур садакъа барниличичи.
 - 23) Ца бархъилизиб чили 100-на белчъаллира, Аллагъли сунела 100 хъяжат бекъидиру – 70 ахиратла, 30 дунъяла.
 - 24) Салаватличичи даимвиъни, дугели шаладикайчи гъибадатличичи даимвиубсигъуна саби.
 - 25) Аллагълис бегъла дигути гъямалтазибадли саби, Къиямала бархъи ва сиратла гумиличиб нур саби.
 - 26) Мискиндеш аркъяхъу.
 - 27) Салават имцъабарибси, Аллагълис бегъла дигусира бегъла Сунечи гъамварибсирар сай.
 - 28) Къиямала бархъи Хъявзличичи арукънилис сабабли бирар.
 - 29) Балга-дугъа къабулдарнилис сабабли бирар.
 - 30) Давлара имцъабарахъу, гъяхти гъундурачирар салават бучъуси вархъилзахъу.
- Икди лерил гъяхъдешуни халати гъялимтани хъядисуназирад касили чула жузазир делкъи сари. Ишбархъилизиб фитна бирантани (вагъабистунани) ихъад дурхъаси салават бучъни, бидгъа– ширклизичи халбиру. Чула гъякълур, гъилмура агарли, илди дашахъес къайгъира агарти сабни багъандан.

Аллагъли дерцахъаба нуша илдана фитнабазирад. Амин!!!



Б у с у р м а н ахӀенси (капур) адам дубуцалли, илала дуббуцари бархьсив?

Бусурман ахӀенси адамла яра муртадла (дин лайбакӀибси) дуббуцари гьарли-марси ахӀен. Амма бусурман ахӀенси адамли (капури) Исламла дин къабулбаралли, илини куфрулизивхӀели дархьдатурти дуббуцари черахьес черти ахӀен, муртадлис биалли, сагадан ислам къабулбарибхӀели, сунени дин бархьбатурхӀели уркалунти дуббуцари черахьес черти сари. («ФатхӀул Гяллам»).

Рамазан базлизир чис - биалра хӀерила замана беркала я шин гьаладурцес асубиару?

Рамазан баз шин, беркала гьаладурцес асубиару бусурмантас биаб, капуртас биаб, дуббуцес асубиарути бусурмантас ахӀенси, масала, дехӀибала агарбиубти яра дурхӀя акӀубхӀели чархлизирад дурадлухьути секӀал лерти хьунул адамтас, яра дуббуцари батес асубирутас, масала, зягӀипси адамлис, яра гьункьяс. («ТухӀфатуль-мухӀтадж»).

Рамазан базлизиб калунси дуббуцари черихьуси адамлис хапли ил бехьес асубиару?

Рамазан базлизиб калунси дуббуцари бурцуси адамлизиб ил бехьес ихтияр агара, декӀардеш агара ил гӀелайзи архӀебухили чебирцусил (сабаб агарли уббатурси), яра гӀурлис чербуцес вирусил сабаб лебли уббатурси. Эгер адам шала шикьдаийчи шаригӀят хӀясибли асубируси гьуйчи дураухьалли, сабира 82,5 км-личиб имцаси, ва гьуйчиб гӀелайзи арбухес асубируси дуббуцари бурцули виалли, илис дуббуцари бехьес асубиару, гӀурлис чербуцес вирусил дуббуцари бурцули виалли, сапар (архӀя) багьандан бехьес асубиару. («Мугьни ал-МухӀтадж»).

Урусунала (бусурманти ахӀентала) мурьаличи вашес асубиару?

Бусурман адамлис бусурман ахӀенси адамла мурьаличи укьес асубируси саби, эгер вебкӀибси бусурман адамла тухум, унра, яра гьалмагь виалли. Амма вебкӀибси бекӀлил тьянишли ахӀенси адам виалли, укьес асубируси ахӀен.

«ХӀу бусурман ахӀенри» или хьунуйзи алли, магьар белхьулив?

Эгер муруй гьарли-марли илди дугьбази илгьуна мягӀна кабихьиб виалли (бусурман ахӀен ибси), ва мурул хьунул ур-габ гьамдеш бетхӀеур биалли, илди дугьби ибмадан илдала магьар кабирку. Амма илди ур-габ цаличил ца гьамдеш бетаур биалли, илхӀели мурулли илди гьай ибхӀейчивадал, гӀиддала замана чербетерхайчи сагадан Исламла дин къабул баралли (шагьдат бухили), магьар кахӀебирку, ил заманала бухӀнаб илини Ислам къабулхӀебаралли, илди гьай дурибси манзилличивадал ил хьунуйзивадал декӀарвикибси ветарули сай. Ислам къабулбирнила чараагардеш дакӀубулхьули саби иш мисаллизиб, хьунуйзи хӀу бусурман ахӀенри ибси заманаличивадал сайра капур ветарни багьандан. («ТухӀфатуль-мухӀтадж»).

Мурул адамлис кӀел ва гьатгӀира имцӀали хьунул адамличил варх ца мерличив цунухьес асубиару?

Мурул адамлис сай мяхӀрамли ахӀенси хьунул адамличил цунухьес асубируси ахӀен. Амма мурул адамлис кӀел ва гьатгӀира имцӀали хьунул адамтачил цунухьес асубиару, илини илди хьунул адамтала хӀурматбирули виалли. Хьунул адамлис биалли я ца, я кӀел яра чумал мурул адамличил цунухьес асубируси ахӀен.

Мижитлар палтар дирцес, ибес, асу бира-ру?

Асубиару, эгер илизикад мижитлис зарал хӀебиалли, ва илкьийда зумали хӀебирули биалли. Мижитлис илизикад зарал лябкьули биалли, илар палтар ибес асубиару. БалхӀебикибси (карагьат) саби зумали илдигьунта виркьес. («ФатхӀул Гяллам»).

Нажас (нядеш), шинничил ахӀенси цархӀил шинкӀадешли умубарес асубиару?

Нажас умубарес асубируси саби чӀянкӀли умути, гьалар пайдалахӀедарибти шинничил. Амма имам Абу-ХӀянипала мазгьаблизиб нажас чидил-дигара шинкӀадешли умубарес асубирули саби. («Мизану аш-ШагӀрани»).

Вагьабийонтани азан бучӀулив яра иличи кьаршили дурабулхьулив?

Вагьабийонтани азан бучӀули саби, амма азан-нис гӀергьира икъаматлис гьалабра салават бучӀахьес кьадагьабирули саби. («ФатхӀул Гяллам»).

ВебкӀибси капайзи урцнила тяхӀяр сегьуна саби, эгер илис бихьрилис ихӀрам пайдалабирули биалли? Гьай хӀяж бируси замана вебкӀибсилечила сари.

Ил капайзи урцнила тяхӀяр гӀядатла бихьрилизи урцухӀелилагьуна биес гӀягӀиниси саби, селра декӀардеш лебси ахӀен.

ДАГЕСТАНСКИЙ ИСЛАМСКИЙ УНИВЕРСИТЕТ И МЕДРЕСЕ ИМЕНИ ШЕЙХА МУХАММАД-АРИФА

Объявляют прием абитуриентов на очередной 2011/12 учебный год



объявляют прием абитуриентов на очередной 2011/12 учебный год. Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

ПРОДОЛЖИТЕЛЬНОСТЬ ОБУЧЕНИЯ:

- ✓ в Дагестанском исламском университете – 5 лет.
- ✓ в медресе – 3 года.

ПЕРЕЧЕНЬ ДОКУМЕНТОВ:

- ✓ нотариальная копия документа об образовании;
- ✓ копия паспорта – 2 шт.;
- ✓ фотокарточки размером 3/4 в количестве пяти штук;
- ✓ медицинская справка Ф 086;
- ✓ прививочный сертификат Ф 156/93-у;
- ✓ рекомендация от преподавателя осуществляющего религиозного обучения, либо от руководителя мечети (имам), расположенной по месту жительства абитуриента.

Прием документов с 1 июня по 20 августа.

г. Махачкала, ул. Дахадаева, 136

Наш адрес:

тел.:
8 (8722) 67-55-08

Дила мурулла хӀянчи агара, нуни дила дурхӀни ва мурул абилкьула, сенахӀенну дила гӀяхӀси, дахьал арц кайсуси хӀянчи лебни багьандан. Наб керу биув дурхӀни абилкьни багьандан?

Гьачам Идбагличу хьунул адамти бакӀиб ва чула дурхӀнас ва муйлас секӀал дедни багьандан чус керу биув хьарбаиб. Идбагли жаваб бедиб: «Ге, кӀиркали керу биур: садакьалис ва тухумдешла бархьасуни дебадарни багьандан.

Рузнама

Август

дни	Утрений Ас-СубхӀ	восх.	Обеден. Аз-Зугьр	После-обеден. Аль-ГӀаср	Вечерн. Аль-Магьриб	Ночной Аль-ГӀишаъ
1	3:45	5:37	13:02	16:58	20:15	22:01
2	3:47	5:38	13:02	16:57	20:14	21:59
4	3:50	5:40	13:02	16:56	20:11	21:55
6	3:54	5:43	13:01	16:55	20:09	21:52
8	3:57	5:45	13:01	16:54	20:06	21:48
10	4:00	5:47	13:01	16:53	20:03	21:44
12	4:04	5:49	13:01	16:52	20:00	21:40
14	4:07	5:51	13:00	16:50	19:57	21:36
16	4:10	5:53	13:00	16:49	19:54	21:32
18	4:14	5:56	12:59	16:47	19:51	21:28
20	4:17	5:58	12:59	16:46	19:48	21:24
22	4:20	6:00	12:58	16:44	19:45	21:20
24	3:23	6:02	12:58	16:42	19:42	21:16
26	4:26	6:04	12:57	16:41	19:39	21:12
28	4:29	6:07	12:57	16:39	19:35	21:08
30	4:32	6:09	12:56	16:37	19:32	21:04